

Euskal Herriko Ahotsak
ahotsak.com

Pako Eizagirre Irure

*Zestoa,
Gipuzkoa
(1946)*

Aurkibidea



Biografia



1946an jaio zen Aizarnan, Zestoan. Ama Irure baserrikoa zuen, eta aita Zestoako Akua auzokoa. Hamalau senidetan 12.a da Pako. 9 urterekin Maristetara joan zen ikastera. Baserritik 9 kilometrotara zegoen herria, eta herriko taberna batean egiten zuen lo astean zehar. Hamar urterekin Oñatiko agustindarretara bidali zuten ikastera, baina bi zatitan egin zituen ikasketak, hezurretako tuberkulosia izan baitzuen tartean. Ikasketak gaztelaniaz baziren ere, harremana euskaraz izaten zen, eta bertan piztu zitzaion euskararen kontzientzia. 1967an Gasteizera joan zen Teologia ikastera, beste hainbat apaizgairekin bateraeta Eusebio Osa apaiza gidari zutela. Euskara irakasten hasi zen Gasteizen, eta bide batez, euskara irakasteko metodologia lantzen. Legebiltzarrean euskara eskolak eman zituen, baita gau-eskolak ere. Araotzen (Oñati) barnetegi bat egiteagatik atxilotu egin zuen Goardia Zibilak. Gasteizko AEKren sorreran egon zen, baita Olabide Ikastolaren sorreran laguntzen ere. Eskola pribatuan irakasle lanetan jardun zuen zazpi urtez, maisu-maistrei euskara ikastaro trinkoak emanez. 1982an oposaketak atera, eta IRALEn hasi zen maisu-maistrak euskalduntzen, bertan jubilatatu zen arte.

Zintak

ZES-051

- **Proiektua:** Gasteizko Euskararen Ahotsak
- **Elkarrizketatzailea(k):** Etxeberria, Idoia - Lizeaga, Irati

- **Data:** 2019-04-01
- **Iraupena:** 116 min
- **Euskarria:** Bideo digitala
- **Kodifikatzailea:** Lizeaga, Irati

Pasarteak

1. Aizarna auzoko Irure baserrian

- **Erref:** ZES-051/002
- **Iraupena:** 0:04:00. **Hasi:** 00:00:23. **Bukatu:** 00:04:23
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa

Laburpena:

Pako Eizagirre Irure, Irure baserrian jaioa, Aizarnan. 1946. urtean jaio zen. Herri izaera zuen Aizarnak, nahiz eta Zestoako auzo bat izan. Ama zen Irure baserrikoa, aita Akua auzokoa zen. Ama hil eta haren ahizparekin ezkondu zen aita. Hamalau senide izan dira guztira, Pako gazteena.

2. Etxean dena euskaraz

- **Erref:** ZES-051/004
- **Iraupena:** 0:00:48. **Hasi:** 00:04:31. **Bukatu:** 00:05:19
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Euskara » Euskararen egoera
- Familia eta harremanak » Lagunartea eta familia » Etxeko giroa

Laburpena:

Amak ia ez zekien gaztelaniaz. Aita kanpora joana zen gaztelania ikastera. Etxean beti euskaraz egin dute. Bederatzi urterekin eskolaratu zen Pako.

3. Irakurtzen eta idazten baserrian ikasi zuen

- **Erref:** ZES-051/005
- **Iraupena:** 0:01:25. **Hasi:** 00:05:19. **Bukatu:** 00:06:44
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Euskara » Euskararen egoera
- Ohiturak eta bizimodua » Hezkuntza » Dotrina
- Ohiturak eta bizimodua » Hezkuntza » Eskola

Laburpena:

Eskolan izan zuen lehen kontaktua gaztelaniarekin. Baserrian bertan ikasi zuen irakurtzen eta idazten, dotrinaren bitartez. Eskolara hasi zenean, Zestoako tabernan egiten zuen lo astean zehar, eta asteburuan joaten zen bueltan Aizarnara. Hamar urterekin Oñatira joan zen agustindarretan ikastera. Han dena gaztelaniaz egiten zuten.

4. Muskerraren istorioa

- **Erref:** ZES-051/007
- **Iraupena:** 0:03:08. **Hasi:** 00:07:04. **Bukatu:** 00:10:12
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Ipuinak, mitoak eta istorioak
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

Irure baserria Santa Engrazi ermitatik gertu dago. Han inguruan ibiltzen ziren ardiak eta behiak zaintzen. Baserri ingurutik ez aldentzeko istorio asko kontatzen zizkieten, tartean muskerrarena. Musker batek koska eginez gero, zazpi herritako kanpaiek jo arte ez omen zen askatzen. Pako kezkatuta egoten zen, bost herritako kanpaiak bakarrik ezagutzen zituelako.

5. Trumoiaren aurkako erremedioa: otoitza

- **Erref:** ZES-051/009
- **Iraupena:** 0:00:48. **Hasi:** 00:10:29. **Bukatu:** 00:11:17
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizkizunak eta otoitzak
- Ohiturak eta bizimodua » Erlijioa » Elizaren indarra
- Natura » Meteorologia

Laburpena:

Mahaiaren kontra jarri, kandelak piztu eta otoitz egiten hasten ziren trumoiak eta tximistak zeudenean.

6. Katonaren bidez idazten ikasi zuen

- **Erref:** ZES-051/010
- **Iraupena:** 0:02:10. **Hasi:** 00:11:17. **Bukatu:** 00:13:27
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Ikasgaiak eta ikasmateriala
- Ohiturak eta bizimodua » Hezkuntza » Dotrina

Laburpena:

Anai-arrebek elkarri irakasten zieten irakurtzen eta idazten, zaharrenak hurrengoari eta abar. Amak, gainera, dotrina irakasten zien. Pakoren kasuan, jaunartze txikia bost urterekin egin zuen, ordurako bai baitzekien dotrina buruz. Katona erabiltzen zuen idazten ikasteko.

7. Baserritarra izanagatik ezjakin konplexua

- **Erref:** ZES-051/011

- **Iraupena:** 0:01:24. **Hasi:** 00:13:27. **Bukatu:** 00:14:51
- **Multimedia:** bideoa online ikusgai

Gaia(k):

- Natura » Flora
- Familia eta harremanak » Herriko giroa » Baserria vs. Kalea

Laburpena:

Baserritarra izangatik eta gaztelaniaz ez jakiteagatik tuntun edo ezjakin konplexuarekin joaten zen eskolara, baina denborarekin konturatu da Pako kaletarrekin konparatuta, gauza asko zekizkiela, nahiz eta orduan gauza horiek ez baloratu, hala nola, zuhaitz motak eta baserriari lotutako jakinduria.

8. Aizarnatik Oñatira

- **Erref:** ZES-051/013
- **Iraupena:** 0:02:39. **Hasi:** 00:15:22. **Bukatu:** 00:18:01
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Euskara » Euskararen egoera
- Ohiturak eta bizimodua » Osasuna » Gaixotasunak

Laburpena:

Hamar urte zituela Oñatira joan zen agustindarren seminaria. Ordurako etxean giro erlijioso handia zegoen, hiru anai jesuita baitzituen, eta hiru arreba moja. Mutiko azkarrak berehala bideratzen zituzten seminaria. Hasiera batean, Donostiara joan behar zuen seminaria, baina azkenean Oñatira joan zen.

9. Oñatin eskola gaztelaniaz, baina giro euskalduna

- **Erref:** ZES-051/015
- **Iraupena:** 0:02:15. **Hasi:** 00:18:25. **Bukatu:** 00:20:40
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Euskara » Euskararen egoera
- Ohiturak eta bizimodua » Osasuna » Gaixotasunak

Laburpena:

Batxillergoa aurretik urtebeteko prestakuntza bat egiten zen. Hamar urterekin Oñatira joan, eta berehala gaixotu egin zen, hezurretako tuberkulosiak jota. Urtebete ondoren, hamaika urterekin, Oñatira itzuli zen. Ikasketak gaztelaniaz baziren ere, giroa ez zen erdalduna, izan ere, ikasle gehienak euskaldunak ziren.

10. "Permiso para el excusado"

- **Erref:** ZES-051/016
- **Iraupena:** 0:01:09. **Hasi:** 00:20:40. **Bukatu:** 00:21:49
- **Multimedia:** bideoa online ikusgai

Gaia(k):

- Euskara » Euskararen egoera
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

Seminarioan zegoel, ikasten egoten ziren gelatik komunera joateko baimena eskatu behar izaten zuten. Pakok, ordea, ez zekien gaztelaniaz baimena nola eskatzen zen, eta ikaskideek zer esaten zuten entzun, eta imitatzen saiatzen zen.

11. Oñatitik Gasteiza

- **Erref:** ZES-051/018
- **Iraupena:** 0:02:12. **Hasi:** 00:22:17. **Bukatu:** 00:24:29
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Familia eta harremanak » Herriko giroa » Baserria vs. Kalea

Laburpena:

Hamar urterekin Oñatira joan, eta 21 urterekin Gasteiza joan zen Pako. 67aren bueltan Teologia Fakultatea martxan zebilen Gasteizen, baita Batikano II.a ere bai. Teologia ikastera joan zen Gasteiza, pisu batean bizitzera Eusebio Osarekin batera.

12. Batikano II

- **Erref:** ZES-051/019
- **Iraupena:** 0:01:43. **Hasi:** 00:24:29. **Bukatu:** 00:26:12
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizaren jarrera
- Ohiturak eta bizimodua » Erlijioa » Elizaren indarra

Laburpena:

<p>Elizak zituen joerak aldatu eta alderdi sozialaz kezkatzen hasi zen. Pakoren eta lagunaren asmoa fraidetza arlo sozialarekin uztartzea zen.</p>

13. 68ko Maitzaren oihartzuna

- **Erref:** ZES-051/021
- **Iraupena:** 0:01:25. **Hasi:** 00:26:32. **Bukatu:** 00:27:57
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Ohiturak eta bizimodua » Erlijioa » Elizaren jarrera
- Ohiturak eta bizimodua » Erlijioa » Elizaren indarra

Laburpena:

Olatitik 67an etorri ziren Oñatitik Gasteizko seminariora. Kezka sozialagoak zituzten ordurako seminarioko ikasleek, eta Gasteizen grebak hasiak ziren. Sekularizazioaren aldeko apustua egin zuten.

14. Gasteizko giro euskaltzalean eta erlijiosoan murgilduta

- **Erref:** ZES-051/023
- **Iraupena:** 0:01:57. **Hasi:** 00:28:15. **Bukatu:** 00:30:12
- **Multimedia:** bideoa online ikusgai

Gaia(k):

- Aisia » Kultura » Irakurtzea
- Euskara » Euskararen egoera
- Ohiturak eta bizimodua » Erlijioa » Elizaren jarrera

Laburpena:

Gasteiza joan zirenean, ordurako bazen euskararen gaineko kezka. Filosofian 'Gure Txokoa' izeneko aldizkaria zegoen, Teologian 'Erein'. Mezak euskaraz izaten hasi ziren, haietan laguntzen eta kantatzen jardun zuten.

15. Euskarazko mezatik euskalgintzara

- **Erref:** ZES-051/025
- **Iraupena:** 0:03:55. **Hasi:** 00:30:19. **Bukatu:** 00:34:14
- **Multimedia:** bideoa online ikusgai

Gaia(k):

- Politika » Euskara eta politika
- Aisia » Kultura » Irakurtzea
- Euskara » Euskararen egoera
- Ohiturak eta bizimodua » Erlijioa » Elizaren jarrera

Laburpena:

Euskalgintzan sartzeko asmorik gabe joan ziren Gasteiza Oñatiko seminariotik, baina euskarazko mezetara joaten hasi eta euskal mugimendu handia sortu zen. Hala ere, lehenagotik Manuel Iradier eta Judimendi taldeak zeuden. Prestakuntza gutxi zuten, baina borondate handia. 'Euskera radiofonico' metodoarekin hasi eta euren garatu zuten. 'Euskera hire laguna' eta 'hizketan'.

16. Gasteizen topatutako aurrekariak

- **Erref:** ZES-051/027
- **Iraupena:** 0:05:19. **Hasi:** 00:34:31. **Bukatu:** 00:39:50
- **Multimedia:** bideoa online ikusgai

Gaia(k):

- Politika » Euskara eta politika
- Aisia » Kultura » Irakurtzea
- Euskara » Euskararen egoera
- Familia eta harremanak » Herriko giroa » Pertsonaia ezagunak
- Ohiturak eta bizimodua » Erlijioa » Elizaren jarrera

Laburpena:

Oñatiko seminariotik Gasteiza joan zirenek ez zuten Gasteizko euskararen panorama ezagutzen, gerora ezagutu zituzten euren aurrekariak, hala nola, Peli Presa, Izaskun Arrue, Sorne... Dirua jartzen zuten irakasteko materiala sortzeko.

17. Eusebio Osaren ibilbidea

- **Erref:** ZES-051/029
- **Iraupena:** 0:04:09. **Hasi:** 00:43:55. **Bukatu:** 00:48:04
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Seminarioa
- Familia eta harremanak » Herriko giroa » Pertsonaia ezagunak

Laburpena:

Eusebio Osari jarraitu zioten Oñatiko seminariokoek. Zenbait aldizkaritan idazten zuen, abesten ere trebea zen. Haron ikasten ibili zenean irakasle izan zuen Eusebio Osa. Logika ere irakasten zuen. Oso irakasle ona omen zen, eta asko irekitzen zien burua ikasleei. Filosofo aurrelari eta kritikoenak azaltzen zituen eskolan. Kantu eta musikazalea ere izan zen. Tira-birak izan zituzten Oñatiko seminarioarekin, eta apaizgintza uzten lehenengoa izan zen Eusebio. Oso humanoa eta irekia zen.

18. Eusebio Osa hamaika arlotan murgildurik

- **Erref:** ZES-051/031
- **Iraupena:** 0:01:41. **Hasi:** 00:49:02. **Bukatu:** 00:50:43
- **Multimedia:** bideoa online ikusgai

Gaia(k):

- Politika » Euskara eta politika
- Ekonomia eta industria » Langileen arteko harremana eta langile-mugimenduak
- Familia eta harremanak » Herriko giroa » Pertsonaia ezagunak

Laburpena:

Eusebio Osa zenbait arlotan murgildu zen, langile mugimenduan, hezkuntzan, euskalgintzan... Olabideko arlo pedagogikoaz arduratzen zen, baina bota egin zuten handik. Oso ezkertiarra zen hura, eta erlijioa eskolatik kanpo ematea defendatu zuen.

19. Araozgo barnetegia

- **Erref:** ZES-051/033
- **Iraupena:** 0:02:26. **Hasi:** 00:51:09. **Bukatu:** 00:53:35
- **Multimedia:** bideoa online ikusgai

Gaia(k):

- Politika » Euskara eta politika
- Lanbideak » Polizia
- Euskara » Euskararen egoera

Laburpena:

Gau-eskolez eta eskola intentsiboez gain, Oñatiko Araotz auzoan barnetegia egin zuten. Jende ezagun mordoa joan zen bertara. Guardia Zibilak barnetegia egin zela jakin zuenean, hara joan eta dena miatu zuen.

20. Araozgo barnetegian atxilotu zutenekoa I

- **Erref:** ZES-051/034
- **Iraupena:** 0:01:54. **Hasi:** 00:53:35. **Bukatu:** 00:55:29
- **Multimedia:** bideoa online ikusgai

Gaia(k):

- Politika » Euskara eta politika
- Lanbideak » Polizia
- Euskara » Euskararen egoera

Laburpena:

Araozgo barnetegiaren arduraduna zen Pako, eta Guardia Zibilak atxilotu egin zuen, beste birekin batera. Komisaldegian egun batzuk pasa ondoren, Martutenera eraman zituzten.

21. Araozgo barnetegian atxilotu zutenekoa II

- **Erref:** ZES-051/035
- **Iraupena:** 0:03:46. **Hasi:** 00:55:29. **Bukatu:** 00:59:15
- **Multimedia:** bideoa online ikusgai

Gaia(k):

- Politika » Euskara eta politika
- Lanbideak » Polizia
- Euskara » Euskararen egoera

Laburpena:

Pako eta lagunak atxilotu zituztela ikusita, Gasteizen jende mordoa hasi zen Pako bizi zen pisura joaten, haren inguruan galdezka. Goardia Zibilak pisura joandako guztiak atxilotu zituen. Pisua itxi eta han zuten guztia eraman zuten, dirua barne. Euskara irakasteagatik ETAkoak zirela egotzi zieten.

22. Burgosko prozesua

- **Erref:** ZES-051/037
- **Iraupena:** 0:02:42. **Hasi:** 00:59:28. **Bukatu:** 01:02:10
- **Multimedia:** bideoa online ikusgai

Gaia(k):

- Politika » Euskal gatazka
- Politika » Gerra zibila (1936-1939) » Errepresioa

Laburpena:

Burgosko prozesua zegoela, ordurako Gasteien zeuden Pako eta lagunak. Gasteizko seminarioan, barruan, greba bat bultzatu zuten eurek. Hamasei pertsona atxilotu eta heriotz zigorra eskatu zitzaaien Burgosko prozesuan. Oihartzun handia izan zuen honek, eta hamaika greba eta manifestazio egon ziren honen aurka.

23. Euskara Batuaren gatazketatik urrun

- **Erref:** ZES-051/039
- **Iraupena:** 0:02:07. **Hasi:** 01:02:38. **Bukatu:** 01:04:45
- **Multimedia:** bideoa online ikusgai

Gaia(k):

- Euskara » Euskararen historia
- Euskara » Euskararen egoera
- Ohiturak eta bizimodua » Hezkuntza » Ikasgaiak eta ikasmateriala

Laburpena:

Euskara Batua sortu zenean, Pako eta Gasteizen zebiltzan lagunak ez ziren gatazketan sartu. Euskararen berrikuntzaren alde zeuden, hala ere. Euskara irakasteko Txillardegiaren 'Urratsak' liburua zerabiltzen.

24. 1976ko Martxoak 3ko sarraskia

- **Erref:** ZES-051/041
- **Iraupena:** 0:04:26. **Hasi:** 01:05:14. **Bukatu:** 01:09:40
- **Multimedia:** bideoa online ikusgai

Gaia(k):

- Ekonomia eta industria » Langileen arteko harremana eta langile-mugimenduak

Laburpena:

Lan mugimenduan parte hartze handia egon zen, eta beste zenbait arlotara ere iritsi zen. Pako eskola pribatu bateko irakasle zen ordurako, ia asanblada guztietara joaten zen. Hori dela eta, oso gertutik bizi izan zuen Martxoak 3an gertatutakoa. Elizan sartzen ari zirela entzun zuen sarraskiko lehenengo tiroa. Plaza hartan bertan bizi ziren eta pisura ihes egitea lortu zuten.

25. Juan Bautista Gamiz taldea eta ikasleak

- **Erref:** ZES-051/043
- **Iraupena:** 0:04:00. **Hasi:** 01:11:21. **Bukatu:** 01:15:21
- **Multimedia:** bideoa online ikusgai

Gaia(k):

- Politika » Euskara eta politika
- Euskara » Euskararen egoera

Laburpena:

Juan Bautista Gamiz taldea sortu zuten Oñatiko seminariotik etorritako batzuek, tartean, Pako. Euskaraz bazekitenak elkartu eta irakasten hasi ziren. Gero ikasleak batu zitzaizkien, eta haiek ere euskara irakasten hasi ziren. Gasteiztarak, gipuzkoarrak, preso ohiak, euskaldun berriak, emakumeak... Ikasle gehienak arbaso abertzaleak izandakoak ziren, beste batzuk ondoren abertzaletutakoak.

26. Nor zen Juan Bautista Gamiz?

- **Erref:** ZES-051/044
- **Iraupena:** 0:01:05. **Hasi:** 01:15:21. **Bukatu:** 01:16:26

- **Multimedia:** bideoa online ikusgai

Gaia(k):

- Familia eta harremanak » Herriko giroa » Pertsonaia ezagunak
- Aisia » Kultura » Idaztea

Laburpena:

Euskal poesia idazten zuen arabarra zen Juan Bautista Gamiz. Modu berean Umandi eta Olabide.

27. Juan Bautista Gamiz taldetik sortu zen AEK

- **Erref:** ZES-051/045
- **Iraupena:** 0:03:30. **Hasi:** 01:16:26. **Bukatu:** 01:19:56
- **Multimedia:** bideoa online ikusgai

Gaia(k):

- Politika » Euskara eta politika

Laburpena:

Eskola pribatuan 7 urtez aritu zen euskara irakasten. Berehala bideratu zuen bere jarduna irakaskuntzara, baita udan ere. Irakasleei euskara irakasten hasi zen. AEKko sorreran egon bazen ere, ez zuen zuzeneko antolakuntzan parte hartu. Oposaketak atera eta irakasleak euskalduntzen hasi zen.

28. Araban ahalegin handia egin da euskararen alde

- **Erref:** ZES-051/047
- **Iraupena:** 0:03:36. **Hasi:** 01:21:29. **Bukatu:** 01:25:05
- **Multimedia:** bideoa online ikusgai

Gaia(k):

- Euskara » Euskararen egoera
- Politika » Euskara eta politika

Laburpena:

Araban ahalegin handia egin du jendeak euskarari eutsi eta hiztun berriak sortzeko. Arabako eskola gehienetan D eredu dago gaur egun, eta aldaketa hori oso denbora gutxian eman da. Euren kabuz euskara ikasi zuen jende asko zegoen.

29. Gasteizen ez zegoen euskararik ia

- **Erref:** ZES-051/049
- **Iraupena:** 0:02:24. **Hasi:** 01:25:40. **Bukatu:** 01:28:04
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Erlijioa » Seminarioa
- Euskara » Euskararen egoera

Laburpena:

Oñatiko seminariotik Gasteiza joan zirenean, euskarak oso bestelako egoera zuen hirian, instituzio mailan ez zen existitzen. Izaskun Arrueren isilpeko

ikastola eta eskola partikular batzuk kenduta, euskarak ez zuen presentziarik. Hala ere, ikasteko eta lanerako gogo handia zuen jendea bazen.

30. Gasteizen euskaraz bizi al daiteke?

- **Erref:** ZES-051/050
- **Iraupena:** 0:02:21. **Hasi:** 01:28:04. **Bukatu:** 01:30:25
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

Pakoren iritziz, neurri handi batean euskaraz bizi daiteke Gasteizen. Egoera nahasia dago giroaren arabera, baina giro zehatzetan aukera asko dago, eta bi hizkuntzen presentzia handia da. Egunerokotasunean euskara gehiago entzuten da, dendetan, tabernetan...

31. Beste ama hizkuntzak baloratu behar dira

- **Erref:** ZES-051/052
- **Iraupena:** 0:03:07. **Hasi:** 01:30:44. **Bukatu:** 01:33:51
- **Multimedia:** bideoa online ikusgai

Gaia(k):

Laburpena:

Hizkuntza jarrerei dagokienez, politika mailan euskara ez baloratzea edo errespetatzea ezin du ulertu Pakok. Oso zorteduna sentitzen da Pako ama hizkuntza euskara duelako.

32. Gasteizko aisialdian euskarazko aukera gehiago

- **Erref:** ZES-051/053
- **Iraupena:** 0:02:39. **Hasi:** 01:33:51. **Bukatu:** 01:36:30
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

Gauza mordoa antolatzen da Gasteizen aisialdira begira, eta horietako asko eta asko euskaraz. Aukerak egon badaude, baina erakargarria egitea da erronka.

33. Zer da euskara zuretzat?

- **Erref:** ZES-051/055
- **Iraupena:** 0:01:03. **Hasi:** 01:37:29. **Bukatu:** 01:38:32
- **Multimedia:** bideoa online ikusgai

Gaia(k):

- Euskara » Euskararekiko sentimendua

Laburpena:

Pakok euskara asko gozatzen duen hizkuntza du, komunikatzeko balio diona, bere izaeraren parte bat. Bizitzeko eta izateko modu bat. Jolasa.

34. 'Aittu' Ipuinen webgunea

- **Erref:** ZES-051/057
- **Iraupena:** 0:00:27. **Hasi:** 01:38:51. **Bukatu:** 01:39:18
- **Multimedia:** bideoa online ikusgai

Gaia(k):

- Herria, azpiegitura » Berrikuntzak » Teknologia berriak eta sare sozialak
- Aisia » Kultura » Idaztea

Laburpena:

IRALEko lanerako ipuinak sortzen zituen, eta zaletasun bilakatu zen hura. Jubilatutakoan, 'Aittu' ipuinen ataria sortu zuen interneten.

35. Eskolan ahozketasuna bultzatu behar

- **Erref:** ZES-051/059
- **Iraupena:** 0:02:01. **Hasi:** 01:40:39. **Bukatu:** 01:42:40
- **Multimedia:** bideoa online ikusgai

Gaia(k):

- Euskara » Euskararen egoera
- Aisia » Kultura » Idaztea

Laburpena:

Euskararen erabilera ikusita, hezkuntzak autokritika bat egin behar duela uste du, euskara oso modu akademistan tratatu duelako, ahozketasuna ez da bultzatu.

36. IRALEn ahozketasuna lantzen

- **Erref:** ZES-051/060
- **Iraupena:** 0:01:25. **Hasi:** 01:42:40. **Bukatu:** 01:44:05
- **Multimedia:** bideoa online ikusgai

Gaia(k):

- Aisia » Kultura » Idaztea

Laburpena:

IRALEn izandako esperientzian, ahozketasuna landu izan du, baina jendaurreko kontaktak saihestu ditu. Ahozketasuna irakurketa antzeztuarekin landu du.

37. Irakurketa antzezturako aholkuak

- **Erref:** ZES-051/061
- **Iraupena:** 0:04:37. **Hasi:** 01:44:05. **Bukatu:** 01:48:42
- **Multimedia:** bideoa online ikusgai

Gaia(k):

- Aisia » Kultura » Idaztea

Laburpena:

Irakurtzeko testua ondo ezagutu behar da, esandakoa barneratu, eta teknikoki landu: geldialdiak, enfasiak... Testuaren arabera, galdegaiak, enfasiak aldatu egingo dira. Arnasketa.

Ahotsak.eus-eko edukiarekin sortutako dokumentu automatikoa.

2026-08-25

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com